

CAPUT XIX.

Daß in vnserem Regiment kein andere wür-
ckung mit der hand geschehe/dann allein
mit dem Fewr.

Dvor ist schon gesage/das das Fewr von nöthen seye in
vnserm Magisterio Lapidis: ist aber noch nicht erklet worden/
ob auch ein andere würckung darzu gehöre/ als calcinatio, subli-
matio, distillatio, separatio elementorum, incineratio, vnd dergleichen
würckungen mehr/ die man sagt das sie in regimine Lapidis geschehen sol-
len: darzu auch viel widerholung/ gewicht vnd vnderchiedliche zeitten.
Aber so jemandt der Philosophen Bücher recht ansehen wirdt/ der wirdt be-
finden das in diesem Magisterio nur ein einige würckung vnd confection
seye: die andern würckungen alle darvon sie reden/ werden allein mit dem
Fewr gehandelt vnd vollbracht. Dann Magister Bonus cap. 2. sagt: Sie
setzen alle das ein einige bestimpte zeit seye der Kochung/ das weisse vnd rote
Elixir zu vollenden: wiewol sie bisweilen die zeit verendern vnd abbrechen
in ihrer Lehr/ damit sie die Sophisten in irthumb brechten.

Vnd Hamis sagt: die Philolophi sagen viel deren sie doch selbst keins
thun. Dann es ist ein weg vnd ein ding/ darffst derhalben nicht mit den
henden reiben/ oder kochen/ oder giessen auff einigerley weg mit den jenigen
ersten die solches heissen. Dann es ist ein einige tinctur/ die sie tincturam
genennet haben. Vnser Bley wenn es in putrefactione steht/ so wirdts æs
oder ers genant/wann sich die Feuchtigkeit des erhöchten Argenti vivi en-
det/so nennen sie es putrefactionem: Aber nach dem außgang der schwerze
zu der Citrin roten farb/ so nennen sie es Goldt. Aber wenn es auß der drit-
ten tinctur ist so wirdts Flos auri genant: wann es auß der vierdten/ so
wirdts fermentum oder teigfam genant. Aber wenn es auß der letzten/ so
wirdts ein Tiriac oder ferbon: Gift genant.

Eben daselbst: die Weissen haben ihre Bücher figurweiß zusammen ge-
setzt/ damit sie die Bnweisen verblendeten. Ich saae aber den Weissen/das
ein Werck sey/ein Weg/ein Ding/ ein Regiment/ welches würckung ist der
Naturen verenderung/ nemlich des Warmen mit dem Kalten/ vnd des
Feuchten mit dem Truckenen ein wunderbarliche vermischung. Daher Mi-
teris vnd viel andere in Turba sagen: Mit einer disposition wirdt das ganze